

Gunghcwngz: Guengjsae Aen Gvanj Guekhag Daih'it Bingdoih Deihfueng Caez Guh Hai Gvanj

12 nyied 23 hauh banhaet, Gunghcwngz Yauzcuz Swciyen Gunghcwngz Cin Canghbu Cunh Cungzdwz Gvanjguekhag gawjhengz hai gvanj yizsi. Aen gvanjguekhag caeuq banggunz gyangjsizsoj dwg dangdieg dangvej cwngfuj caeuq Cunghgoz Yinzminz Gaijfangginh 95795 budui gapdoiq banggunz “bingdoih deihfueng caez guh” danhvei, leihyungh aen laeuz gaeuq siujyoz caeuq aen miuhcoj gaeuq ma gaij guhbaenz, ciemq dieg menciz gyawj 2700 bingzfuengmaex, vih Cunghvaz conzungj vwnzva ndei haauj mbanj daezhawj aen denjhingz hagsib guhyiengh gihdi ndeu.

(Cwng Ciminj/郑智敏 Couh Gigiuj/周继久)

► Hai gvanj yizsi le ingjsiengq louzniemh.



▲ Hagseng biujyienj fouxciuhneix.

Vanzgyangh: Ciet Yisuz Vwnzva Hagseng Lauxsae Langh Funghcaij

12 nyied 14 hauh daengz 16 hauh, Vanzgyangh Mauznanzcuz Swciyen Daih'it Cunghyoz gawjbanh ciet yisuz vwnzva ndawhag gaij daihsei qawjdaez dwg “rengzyinx Itcungh rengzhoengh ndawhag”.

Gwnz vwnzyi comzyienj, foux minzcuz unqneuz ndei yawj, fouxlahdingh cingzhoengh yienqhwngj, fouxgai cingzhaeng mbinfeq, hawj ligliengh seizcoz bauqaq, engq miz siujbinj caeuq siengswng h daeuq ndaej daengx ciengz riuhaa. Gyoengq lauxsae caeuq hagseng yungh dinfwngz bonjfaenh, caenhcingz sajlangh gij singqcingz caeuq cingzhaeng, langhyienj cingsaenz fungmauh cingzhoengh haenqhwd, gaenxmaenx yienqhwngj. Cawz doenghgij neix le, mbat yisuz vwnzva ndawhag neix lij miz langhbaij ingjsiengq, langhbaij sijcih, langhbaij meijsuz caeuq langhbaij hongfwngz daengj neiyungz dem.

(Veiz Yui/韦睿 Cinz Suginz/覃素琴)

Hocouh: Song Hamq Beixnuengx Caez Gvaq Ciet Buenzvuengz Yauzcuz

12 nyied 12 hauh, ciengz ciet Buenzvuengz Yauzcuz daegbied ndeu youq Hocouh Si Bazbu Gih Budouz Cin Vangzsiz Yauzcai gawjhengz, baenz cien boux Yauzcuz beixnuengx daj aen gih neix Budouz, Vangzdung, Hogaih, Lijsungh, Yinyi daengj yangh cin daeuj haenx, caeuq 70 lai boux Daizvanh beixnuengx camgya 2018 Gvei Daiz Maxgai coengcaen ginghci vwnzva lwnhdamz angq comz youq itheij, ciengq go diuq foux, angqhoh ciet Buenzvuengz Yauzcuz bi gvaq mbat ndeu.

(Vangz Yuzhuz/黄旭胡)



▲ Song hamq beixnuengx itheij ciengq gofwen.

Sanhgyangh: Singgo Bizbaz Duncuz Rwenzrub



▲ Feihyiz hagdangz veibau yienjheiq.

Vwnzva' gvanj doxgap yienfwngz, doenggvaq gijndei gyoengq lauxsae gak gaep feihyiz vwnzwnjcienz, vwnzdinfwngz ndawbiengz daengj haenx, roengzrengz haiguh “feihyiz hagdangz” haauj mbanj, haauj segih, haauj hagdangz, haauj gihgvanh daengj hozdung, son'gyauq Duncuz yozyenz ciengq go Duncuz, yienj heiq Duncuz, dajsiuq Siuqdung, veh dozveh Duncuz, ndaekngod giyoz Duncuz daengj feihyiz cingbinj vwnzva mbouj aeu cien, rengzrwd doidoengh feihyiz vwnzva daih cien daih roengzbae.

(Gungh Bujangh/龚普康)

12 nyied 13 hauh, “Liujcouh Feihyiz Hagdangz” vwnzva banggunz hanghmoeg “Danzciengq bizbaz Duncuz beizyin mbouj aeu cien” cwngzgoj veibau youq Sanhgyangh Vwnzva' gvanj gawjhengz, 20 boux yozyenz fwngz ndaek bizbaz, cuengqsing ciengqgo, yienqg bouxyawj danzciengq diuz dem diuz go bizbaz Duncuz rwenzred haenx.

Geij bi neix daeuj, Liujcouh Si Vunzlai Yisuzgvanj caeuq Sanhgyangh